

مهرجان الكرازة المرقسية  
٢٠٢٤



حضانة

نحلة

نشيطه وخليه

جديده





## بصلوات صاحب القدايسة البابا تواضروس الثاني

وأخبار الكنيسة الأجلة

# المسابقة الإبداعية

## الرب نورى و خلاصى



ولأننا عاوزينكم على طول شاطرين ..

ولكل مواهبكم عارفين ..

كل واحد شاطر فى حاجة ويعرف يعملها بطريقة كويسة.. ممكن يختر مسابقة من المسابقات اللى قدامنا.. علشان ينمى موهبته فيها.. وتكبر كمان وكمان.. وبكده تفرحوا ربنا.. وتكونوا على طول شاطرين ومبدعين.. قدام كل مسابقة أشتركت فيها خلى بابا وماما أو الخادم يرسم لك نجمة عندها.. وكمان يكتب اسمك واسم كنيستك على كتابك.. علشان تفضل محافظ عليه ومحفظ به.



أصحابى أزيكم..

أعرفكم بنفسى.. أنا (كوبن)

ملكة مملكة النحل الشيطنة..

ومملكتنا مليانة بأشطر وأشطر

النحل.. يعملوا أجمل أنواع

الشمع والعسل الصحى المفيد..

فى مغامرتنا كان معايا النحلة "دادو"

و"لولو" و"Bee" والشمس الجميلة

"شموسة".. واتعرفنا على المركب "مراكيبنو"..

وفى آخر مغامرتنا أتصاحبنا على الدب "بيبو" الطيب..

وفى مغامرتنا عرفنا كل القصص والحكايات اللى

قدامكم.. ومنها عرفنا إزاي نسبح ربنا ونقول له:

"الربُّ نورى و خلاصى" شعار مهرجان الكرازة

المرقسية ٢٠٢٤.. هانفرح أنكم تعرفوها معنا

السنة دى..

منها تعرفنا على بعض صفات الله.. لكنى نتعرف على "الرب إلهنا".

منها تعرفنا على أكثر من موضع للنور فى الكنيسة.. وعلى شكل المنجلىة كمصدر لتوصيل نور الكتاب المقدس لنا وبذلك نعرف أن الرب "نور لطريقنا".

منها نعرف أن الرب يسوع المسيح هو "سر خلاصنا".

منها نعرف أن شركتنا فى الصلاة من أجل بعض هى "حصن لحياتنا".

منها نعرف أن كل من يحب ربنا يعيش دائماً فى سلام مهما كانت الظروف لأن الرب يجعله يشعر بـ "سلام فى ضيقتنا".

- ١- معجزة إيقاف الشمس
- ٢- دور المنجلىة فى الكنيسة
- ٣- المعجزة التى صنعها الرب مع القديس أناتاسيوس
- ٤- صلاة الكنيسة من أجل القديس بطرس الرسول
- ٥- جارد القديس مع الأسد والحب



الرب نورى و خلاصى (مز ٢٧: ١)

اسمى:

كنيستى:

إيبارشيتى:

اقتناء الكتاب هام



شكر خاص للجنة التحضيرية من آباء وخدام

كنيسة العذراء - الفجالة  
لجنة الطفولة - بأسقفية الشباب  
شكر خاص: الفنانة: إيرينى وهيب  
والفنان: مينا أنطون - مجدى اسكندر.  
لتصميم رسومات الكتاب

# الرب الهدايا

في جنيحة جميلة مليانة بالورود والأشجار.. على طرفها بحيرة جميلة فيها أسماك كتار.. بتطلع فيها الشمس تصبح عليهم كل نهار.. ومن بين الأشجار شجرة عالية كبيرة فيها خلية نحل مليانة بالهمة والنشاط.. تأخذ رحيقها من أحلى الأزهار.

صباح الخير على النحل النشيط.. كالعادة صاحيين بدرى.. بتطيروا وبتلقوا على الورود الحلوة.

طبعًا يا شموسة علشان نعمل أحلى عسل.. وأحلى شمع.. حتى بصي كده على خليتنا بتاعتنا من مكانك العالى هتشوفيها.

الله دى  
جميلة جدًا.. أنتم  
هتقعدوا هنا على  
طول يا دادو؟

صباح الخير يا شموسة.. أنا تعبت من كتر الطيران واللف على الورود من الصباح عاوزة أحق أجمع أكبر كمية من الرحيق قبل الليل ما يجى.. لأنى مش باقدر أشوف كويس بالليل.. هو ما ينفعش تفضلى قاعدة اليوم كله علشان اعرف أشوف وأقدر أشتغل براحتى مدة أطول..

ما ينفعش يا لولو.. اللى بتقوليه ده لأن مش هو النظام اللى ربنا خلقنى عليه..

يعنى إحنا ماينفعش  
نغير النظام ده؟

لأ طبعًا لأن ربنا هو اللى خلقنى.. وهو اللى عمل النظام بتاعى.. وخلاقي كل يوم أشرق فى ميعاد، وأغرب فى ميعاد.. ربنا عمل نظام أن يكون فيه وقت للشغل ووقت للراحة يا لولو.. وهو الوحيد اللى يقدر يغير النظام لأنه هو اللى عمله.. فهو ضابط الكل..

يعنى إيه ربنا ضابط  
الكل؟

لا إحنا هنقعد فى الخلية هنا لغاية ما نلاقى مكان تانى.. نعمل فيه خلية كبيرة زى خليتنا القديمة.. المملكة بعثت النحلة "Bee" تدور على مكان حلو للخلية الجديدة.

أى خلية أنتم بتعملوها بأحب أشوفها علشان بتكون منظمة وجميلة.. وكل النحل اللى فيها شغال.. إيه ده!! مين اللى قاعدة هناك دى؟ دى لولو ولأ إيه!!

صباح الخير يا لولو  
مالك قعدة كده ليه!!؟

ربنا (ضابط الكل) يعنى كل حاجة هو اللى خلقها وماشية بنظام عجيب.. هتلاقى فصول السنة بتيجى بنفس النظام والترتيب



وهتلاقى الليل يجى بعده نور النهار.. ربنا وحده هو اللى رتب إمتى أشرق وإمتى أغرب علشان الليل يجى.. لأن هو اللى خلقنى فهو :

يجى  
بعده



آية  
لِلْحَفِظِ



وعلشان كده هو وحده اللى يقدر يغير النظام ده، ومفيش حاجة ممكن تحصل صغيرة أو كبيرة إلا بإذنه.

لولو: يعنى أنتى عمرك فى مرة ما غيرتى من النظام بتاعك.. أنك تفضلى واقفة اليوم كله منورة الأرض وما تغروبيش؟!


شموسة: هاحكيلك:

لولو: إيه ده بجد ممكن تحكى لى !!!

شموسة: الحقيقة ده حصل.. لكن ربنا هو اللى أمرنى اعمل كده..

## معجزة إيقاف الشمس (يشوع ١٠)

شموسة: الحكاية اللى هاحكيتها لك حصلت زماان خالص..



أيام ما كان يشوع - قائد شعب ربنا - بيقتودهم علشان يوصلهم أرض كنعان..

فى يوم يشوع عرف من أهل مدينة اسمها جبعون.. أن

فيه ٥ ملوك بجيوشهم هايجاربوا بلدهم.. فطلب أهل

مدينة جبعون من يشوع أنه يدافع عنهم فى

الحرب الكبيرة دى.. ووقتها ربنا قال

ليشوع: "ما تخافش منهم" وعلى طول

خرج يشوع مع رجاله يجاربوا..



ربنا ساعد يشوع في الحرب..  
وخلى الأعداء يجرؤا هربانين..  
وكمان وهم بيهربوا ربنا ساعد  
يشوع وجيشه أكثر.. علشان ينتصر  
على الأعداء.. فبقوة ربنا السماء  
نزلت قطع ثلج ثقيلة  
(للخادم: بَرَد) على الأعداء..

لولو: وإيه اللي حصل؟

وكمان حصلت حاجة تؤكد لك كلامي إن ربنا وحده ضابط الكل.. ووحده هو اللي يقدر يغير النظام اللي عمله.



شموسة: أول لما جه وقت غروبي.. وقتها يشوع صلى لربنا.. وطلب منه إني أفضل موجودة لغاية  
لما الحرب تخلص.. وبقوة ربنا قال لي: "يا شمس دومي على جبعون" يعني أفضل واقفة ومنورة أرض  
جبعون طول اليوم.. ولأن ربنا زى ما قلت أنه وحده ضابط الكل.. وهو اللي يقدر يغير النظام اللي  
عمله.. فضلت واقفة مكاني لغاية لما انتصر يشوع على الأعداء.. وأنقذ مدينة جبعون..

لولو: ياااااه حقيقي.. دي معجزة عظيمة.. ليكي حق تقولي أن ربنا وحده هو اللي يقدر يغير النظام..  
شموسة: فهو الله (ضابط الكل) (القادر على كل شيء).. لأنه وحده هو الله (الخالق)..



## الرب نور لطريقنا ٢

ربنا يا لولو كمان هو اللي إدى لكل واحد ميزة تميزه عن باقي المخلوقات..

يعنى إيه إدى لكل واحد ميزة؟

ميزة يعنى صفة حلوة.. ممكن تكون صغيرة وممكن تكون كبيرة.. وبيطلب مننا إننا نستخدمها بشطارة وأمانة.. ونحاول نكبرها.. اللي بتعمله يا لولو حقيقي محدش غيرك يعرف يعمله.. واللى أنا باعمله كمان محدش غيري يعرف يعمله..

معاكى حق يا شموسة.. ربنا خلأني أنا بس اللي بأعرف أعمل العسل والشمع.. حتى شوفي كده الشمع الجديد اللي عملته.

كل ده أنتِ عملتيه.. أنتِ شاطرة جدًا.

فعلًا لولو شطورة جدًا.. وشمعها من أجمل شمع موجود في خليتنا.. أنا فرحانة بيك جدًا يا لولو.

أنتِ مش موافقة علشان مش عارفة أد إيه دي حاجة جميلة.. لما تعرفي أهميتها هتغيري رأيك.. تعالى اشرح لك..

وعاوزه أفرحك وأقولك أن الشمع بتاعك.. أخترته يكون من ضمن الشمع اللي ها يروح الكنيسة..

إيه؟! افكرتك هتقول لي هانبنى به خليتنا الجديدة.. الشمع ده أنا تعبت فيه جدًا.. ومش عاوزه يروح أي مكان غير خليتنا وبس.


## الشموع والأنوار فى الكنيسة



**كوبن:** لأن ربنا هو النور الحقيقى.. ولأن الكنيسة هى بيت ربنا.. علشان كده هنلاقى الكنيسة الجميلة مليانة بالنور..  
وكمان ربنا وصى من زمان أن بيته يكون منور على طول (للخادم: خروج ٢٧: ٢٠-٢١).. وعلشان كده الشمع بيكون موجود فى كل صلوات  
الكنيسة.. لأن كل شمعة عاوزه تقول لنا على حاجة (بترمز لحاجة).. هاقولك زى إيه:




فيه شمع كتير بيكون فى الهيكل فى الكنيسة.. زى  
الملايكة والقديسين الموجودين حوالين عرش ربنا..



فيه شمع بيكون منور قدام أيقونات القديسين فى الكنيسة.. علشان يقول لنا  
أن القديسين كانت أعمالهم حلوة.. وبتفرح ربنا.. وبقوا نور لكل اللى حوالينهم..




وفيه شمعتين بينورا عند قراية الإنجيل بيمسكهم شماس يمين وشماس  
شمال المنجلية.. لأن الإنجيل هو كلام ربنا اللى بينور حياة كل اللى بيسمعه  
ويحفظه.. ويعمل به.



وفيه شمعدانين فيهم شمعتين فوق المذبح.. شمعة يمين وشمعة  
شمال.. بيفكروننا بالملاكين اللى ظهوروا عند القبر بعد قيامة الرب يسوع.

لولو: المنجلية.. وإيه هى المنجلية دى؟





## المنجلية



المنجلية كلمة (قبطي)  
معناها (المكان الذي  
يوضع عليه الإنجيل)  
في الكنيسة..

وهي بتكون:

- + عالية بيوضع عليها الكتب التي بتتقري في الكنيسة.. وكل التي بيقرأ عليها لازم يكون واقف..
- + والكنيسة القبطية بتستخدم إما منجلية واحدة أو منجلتين.. منجلية بتبص ناحية الشرق ناحية الهيكل (بنقرأ عليها القراءات باللغة القبطية) ومنجلية ثانية بتبص ناحية الغرب ناحية الشعب التي بيصلي في الكنيسة (بنقرأ عليها القراءات بلغة الشعب).
- + والمنجلية بتكون مصنوعة من الخشب ومتزينة بصلبان.. ومكتوب عليها.. آيات من الكتاب المقدس.. بتوضح لنا إزاي أن كلمة ربنا هي التي بتنور حياة كل التي بيسمعها ويعمل بها.. زي الآية التي بتقول:

آية  
للحفظ

"بِسْرَاحٍ لِرَجُلَيْ كَلَامِكَ وَنُورٍ لِسَبِيلِي" (مزمور 119: 105)

وبكده كل واحد بيسمع كلمة ربنا.. ياخذ باله.. إزاي يعمل أعمال حلوة تخليه نور لكل التي حوالية..  
لولو: يا اياه أنا فرحانة جدًا يا كوين أنك اخترتني الشمع بتاعي يروح الكنيسة.. وأوعدك إنى دايماً أعمل  
شمع كثير جميل.. علشان ينور في الكنيسة.  
كوين: أنت دايماً شطورة يا لولو.

# الرب سر خلاصنا

يا كوين يا كوين النحلة "Bee" جاية من بعيد..  
شكلها لقيت مكان للخلية الجديدة بتاعتنا.

ملكتنا كوين.. أخواتي النحل النشيط.. لقيت  
مكان جميل جداً لخليتنا الجديدة.. مكان ثابت  
ومتين.. وحواليه زهور كثيرة وريحتها جميلة.

شطورة يا "Bee"  
يالاً بينا نروح نشوفه  
بسرعة.. دادو ولولو  
هايجوا معايا.

يالاً بينا.. الطريق من هنا..  
المكان الناحية الثانية من البحيرة.

وهنعدى إزاي دي  
مسافة كبيرة جداً مش  
هانقدر نظير كل ده.

متقلقوش.. أنا  
عاملة حسابي..

همكن تشوفوني مركب صغيرة.. لكن تاريخي  
أنا وعيلتي مليون بقصص عن ملوك وأباء  
عظماء ركبوا جوانا.. ومشينا بيهم لأماكن  
كثير.. ووصلناهم لمكانهم بالتمام.. اركبوا  
وها أحي لكم قصة بطل منهم في الطريق.

أعرفكم على مراكيبينو هو اللي وداني  
ومستيننا.. يالاً بسرعة علشان يوصلنا..

أهلاً يا مراكيبينو.


أهلاً بـ "كوين" ملكة  
النحل الجميلة.. وأهلاً  
بكل النحل النشيط.

ثانية واحدة.. إزاي الملكة "كوين" تركب  
مركب صغيرة كده دي ملكة يا جماعة.

## المعجزة العظيمة التي صنعها الرب مع القديس أثناسيوس ( سنكسار ٣٠ توت )



مراكيننو: هابداً لكم الحكاية من البداية...  
زمان خالص كان فيه واحد اسمه "أريوس".. كان  
بيعلم الناس في الكنيسة تعليم غلط عن  
الرب يسوع.. وكان يقول أن: "ابا يسوع  
مش هو ربنا".. ورفضت الكنيسة تعليم  
أريوس.. وعملوا مجمع يعني (اجتماع كبير)  
حضره آباء أساقفة كثير من كل العالم..  
ووقف القديس أثناسيوس.. وبكل قوة قال  
التعليم الصح.. وعرف أريوس أن:  
**"ابا يسوع هو ربنا.. وأنه اتولد من  
ماما العذراء.. وجه عlishان يهدى  
كل الناس"**



كوين: حقيقى القديس أثناسيوس  
كان قوى جداً.. في رده على تعليم أريوس  
الغلط..  
مراكيننو: معاكى حق.. وعلشان أمانته  
اختاره ربنا إنه يكون البابا (رقم ٢٠)..  
وطول الوقت كان بيعلم الناس التعليم  
السليم.. ويقف قدام كل واحد بيعلم زى  
أريوس التعليم الغلط.. لكن للأسف كان  
فيه ملك شرير مشى مع أريوس وتعليمه  
الغلط هو وناس تانية كثير..  
وقضل البابا أثناسيوس يعلم شعبه في  
الإسكندرية.. ويروح يعلم في بلاد تانية  
كثير الناس التعليم السليم.. لدرجة أنه بكل  
شجاعة قرر يسافر بعيد.. ويروح للملك  
الشرير أن التعليم اللي بيعلم به غلط.






**Bee:** هو ماخفش أن الملك يضره!!  
مراكبينو: لأ ماخفش لأنه كان واثق أن ربنا معاه.. وأكيد هيحافظ عليه.  
دادو: وحصل إيه لما راح للملك ؟  
مراكبينو: البابا أثناسيوس أكد له أن:

يسوع المسيح هو ربنا.. اللي جه.. وفدى  
كل الناس.. وخلصهم زى ما قال الملك للرعاة  
أنه اتولد:

"مُطَلَّصٌ هُوَ الْمَسِيحُ الرَّبُّ" (لوقا ٢: ١١)

آية  
للحفظ



لكن لما الملك سمع كلام القديس أثناسيوس اتغاظ جداً.. وأمر جنوده  
بانهم يوضعوا القديس أثناسيوس لوحده في مركب صغيرة.. زى أنا كده..  
ويسيبوا المركب الصغيرة تعوم في وسط البحر الكبير من غير أكل أو ماية.

**كوين:** وممكن كمان موج البحر يعلى ويعرضه للخطر..

مراكبينو: طبعا كل كلامكم صح.. لكن حصلت معجزة عظيمة.. ربنا بعث ملايكته حوالين المركب.. تحافظ على القديس أثناسيوس.. لغاية لما وصلت المركب  
لشاطئ الإسكندرية بكل سلام.

**Bee:** ياااااااااا.. ربنا وصل البابا أثناسيوس لمكانه وسط شعبه..  
مراكبينو: أيوه فعلاً.. المركب وصلته وسط شعبه.. اللي خرج فرحان.. واستقبله بالشموع والألحان.. ودخلوه الكنيسة بإحتفال كبير.. ومن يومها وكل سنة الكنيسة  
بتحتفل بالمعجزة العظيمة اللي عملها ربنا مع القديس أثناسيوس يوم ٣٠ توت من كل سنة..

**دادو:** ياااه.. ده فعلاً فيه مراكب صغيرة.. لكن شالت شخصيات عظيمة..

مراكبينو: وأنا كمان حصل معايا كده.. مع إني مركب صغير.. لكن فرحان إني شلت ملكة النحل "كوين"..  
والنحل الجميل النشط..  
وبعد ما خلصوا القصة الجميلة كانوا وصلوا للشط الثاني..



## الرب حصن حياتنا

مكان الخلية هناك  
آهه.. إيه رأيكم فيه؟



جميل جدًا.. والورود اللي حواليه ريحتها جميلة.. فعلاً مكان  
مناسب لخليتنا الجديدة.. تعالوا نشوفه من جوه شكله إيه؟

الله دي هتبقى خلية واسعة وكبيرة.

أنا هاحط سريري هنا.

أنتم إيه اللي جابكم هنا.. أنتم جاين  
تقرصوني.. أنا بيبو الدب الجامد  
هاحبسكم وهاقفل عليكم.. ومحدث  
هيقدر يقرب مني.. ولا يقرصني أبداً.

الحقوا فيه  
دب جاى  
علينا!!!!

اهربوا يا نحل طيروا بسرعة بره المكان.

ياااه للدرجة دي بيحب العسل!!.. احنا ممكن نعمله شوية عسل..  
ونقدمه له هدية.. علشان يعرف أننا مش هانؤذيه ونبقى أصحاب.

فكرة هائلة..  
لكن أعتقد بيبو  
مش هايكفيه غير  
برطمان عسل  
كبير.. وأعتقد ده  
هايحتاج وقت  
طويل.

لو أتجمعنا كلنا وسهرنا  
هانقدر نعمله.. أنا  
هاروح أقنع باقي الخلية..



مالك يا كوين في  
إيه!!! وفين باقي  
النحل اللي معاكى!؟

بيبو قفل عليهم بحجر كبير.. ومحدث  
عرف يخرج غيري.. وعاوزاك ترجعني  
لخليتنا اجيب باقي النحل علشان ننقذهم.



بيبو! ده دب طيب.. لكن علشان في مرة حاول ياخذ عسل من خلية نحل  
قرصوه جامد.. فمن وقتها وهو بيخاف من النحل.. مع أنه بيحب العسل جدًا..


ده هايحتاج مجهود وتعب  
كبير جدًا علشان نقدر نعمله!!!

إزاي نقدر نعمل كل الكمية دي  
من العسل في الوقت القليل ده!!!!



أنتم من أنشط خلايا النحل.. لو اشتغلنا كلنا سوى وسهرنا.. هانقدر ننقذ أصحابنا.. أحكي لكم قصة حكاها  
لي مراكبيو.. حصلت زمان عن صياد شاطر.. أصحابه قدموا اللي يقدروا عليه وسهروا لغاية ما ربنا أنقذه..

واتحركوا.. وفضل مراكبيو  
طول الطريق يحكي للملكة  
"كوين" عن قصص كثير.. عن  
أبطال شطار في عالم البحار..  
لغاية لما وصلت كوين  
للخليفة.. وحكت لهم  
اللي حصل.



## صلاة الكنيسة من أجل القديس بطرس الرسول (أعمال الرسل ١٢: ١-١٧)



**كوين:** الحكاية حصلت بعد صعود الرب يسوع للسماء.. عن صياد شاطر

اسمه القديس بطرس.. كان من تلاميذ الرب يسوع المسيح.. في يوم قبض هيرودس الملك (للخادم: هيرودس أغريباس الأول) على القديس بطرس.. ودخله السجن الجواني الظلمة (أوضة آخر السجن) لأنه كان يبكلم الناس عن الرب يسوع علشان يعرفوه.. وفي السجن ربطوا أيديه الاثنتين بسلسلتين.. كل أيد بسلسلة مع عكسرى من ناحية.. وقفلوا باب السجن بأقفال.. ووقفوا قدامه ٢ عساكر.. وكانوا الأربعة بيتبدلوا على القديس بطرس طول الوقت.. ورغم كل ده القديس بطرس نعس ونام في سلام وكان مطمئن مش خايف..  
نحلة ١: ياااه معقولة مش خايف وسط كل ده!!؟



**كوين:** أيوه.. لأنه كان واثق أن ربنا معاه ويحرسه.. وفي الوقت

ده الكنيسة (المؤمنين في بيت مارمقس).. كانوا صاحيين طول الليل بيصلوا..

ويطلبوا من ربنا إنه يكون معاه.. نحلة ٢: هم اشتكوا كلهم علشان يصلوا للقديس بطرس!؟

**كوين:** أيوه.. وربنا استجاب لصلاتهم مع بعض.. وبعث ملاك للقديس بطرس في السجن الظلمة.. الى بقى كله منور.. وزق الملاك جنب القديس بطرس بالجامد وصحاه.. لأنه كان نايم في سلام ومطمئن خالص.. وقاله: "قوم بسرعة".. ووقتها وقعت السلسلتين واتفكوا من أيديه.. والملاك قال للقديس بطرس أنه يلبس حزامه.. وصنديه.. وثيابه.. ويمشى وراه.. القديس بطرس وقتها كان متهيأه أنه يبكلم.. وفعلاً مشى القديس بطرس مع الملاك.. وكل الأبواب انفتحت قدامهم لوحدها.. لغاية ما خرج هو والملاك في الشارع.. ومشى الملاك شوية معاه وبعدها سابه (اختفى عنه).. وقتها بص القديس بطرس حواليه.. وعرف أنه مش يبكلم.. وقال: "دلوقتي عرفت أن ربنا بعث ملاك وأنقذني".



نحلة ١: فعلاً ربنا أنقذه بطريقة عجيبة جداً.. ويا ترى

عمل إيه القديس بطرس بعد كده؟

**كوين:** القديس بطرس راح بسرعة على المكان الى المؤمنين متعودين يتجمعوا في (بيت مارمقس)..

نحلة ٢: أكيد لما يشوفوه هايفرحوا جداً.. وهايأتأكدوا ان ربنا سمع صلاتهم.

**كوين:** هاقولكم حصل إيه.. القديس بطرس خبط على الباب (افتحوا افتحوا).. فجريت واحدة اسمها (رودا) تفتح الباب فعرفت أن ده صوت القديس بطرس.. ومن فرحتها ما فتحتش الباب.. ودخلت تقول لكل اللي بيصلوا أنه على الباب يبخط.. ومن كتر ما هم مش مصدقين.. قالوا لها أنت أكيد بيتهيألك.. وفضل القديس بطرس يبخط.. ففتحوا له واستغربوا جداً لما شافوه.. فحكى لهم كل اللي حصل. نحلة ١: فعلاً فرحة كبيرة جداً.. بقوة صلاتهم مع بعض.. ربنا أنقذ القديس بطرس من السجن.

**كوين:** فرحتهم الكبيرة كانت علشان هم:

"دعوا الرب وهو استجاب لهم" (مرمور ٦: ٩٩)

آية  
للحفظ

نحلة ١: قصة جميلة جداً.. يالاً بينا نبدأ الشغل..

وبكل همة ونشاط اشتغلوا كلهم.. وسهروا علشان يجمعوا برطمان عسل كبير علشان يقدموه لبيبو هدية.



عند بيت بيبو.. كان دادو وBee ولولو محبوبين وقلقانيين.

سلام في

ضيقتنا

أنا خايفه جدًا.. كوين إتأخرت  
علينا وليها فترة طويلة قوى  
وشكلها كده مش هتيجي تنقذنا.

متخافيش يا لولو كوين  
عمرها ماتسبينا أبدًا.

كوين ملكتنا اللى بترعانا وبتخاف علينا.. وعلمتنا  
ما نخافش لأنها على طول سهرانة علينا.. وحكت لنا على  
قصص كتير ملوك ورعاه.. وإزاي بيهتموا بالقطيع بتاعهم.

فعلاً.. أول قصة حكيتها لنا  
الملكة كوين.. عن دادو الراعى  
وإزاي حافظ على خرفانه..  
هانحكيتها لك.. علشان تعرفي  
أن كوين مش هاتسبنا أبدًا.

## داود النبي مع الأسد والدب (اصموتيل ١٧: ٣٤- ٣٦)

Bee: داود راعى غنم شطور.. ومعنى  
اسمه "المحبوب" .. كان يحب كل الناس.. وكان دائماً يفرح  
قلب ربنا.. وعلى طول بيصلى له وبيسبح ويرنم له.. وكان  
داود أصغر أخواته (عنده ٧ أخوات أولاد وبنات)..  
دادو: كمان كان عنده قيثارة بيعزف عليها أجمل ألحان..  
وهو يبسبح ويرتل ويشكر ربنا على كل حاجة حوالية..  
Bee: داود كمان كان يحب كل خروف من غنم أبوه  
(يسى).. وكان بياخذ غنمه يأكلهم ويشربهم في أجمل  
مرعى.. ومش بس كده.. داود كان راعى شجاع بعاظه كان  
يقرب أى خروف يبعد.. وبعصايته كان يبعد أى حيوان  
عاوز يقرب من خرفانه..



التميز (٥)	المجموع (٥٠)	السؤال (١٠)	السؤال (١٠)	السؤال (١٠)	السؤال (١٠)	السؤال (١٠)
------------	--------------	-------------	-------------	-------------	-------------	-------------

قص هنا

لولو: ياااه أد كده

الراعى بيكون واخد باله من كل خروف من الخرفان.. وبيحافظ عليهم..

**داود:** أيوه يا لولو.. مش قلت لك **داود** كان شطور جدًا.. وشجاع كمان.. لأنه كان متأكد أن ربنا على طول معاه وهو اللى بيدى له القوة.. وعلشان كده فى يوم **داود** وسط خرفانه الفرحانه.. وهو بيسبح ربنا ويبرتل على قيثارته.. هجم أسد ودب على الخرفان فى وقت واحد.. وبسرعة خطفوا خروف من وسط خرفانه..

**لولو:** يا خبر!! وعمل إيه **داود** علشان يرجع خروفه؟  
**Bee:** **داود** ماخفش منهم.. وجرى وراهم وبقوة ربنا أنقذ الخروف منهم.. ولما حاول الأسد يهجم على **داود**.. **داود** مسكه بقوة ربنا.. وانتصر عليه هو والدب.. من غير ما يخاف..

لأنه دايماً كان يقول:

"الزَّبُّ نُورِي وَخَلَّاصِي.. مِمَّنْ أَخَافُ؟"

(مر ٢٧:١)

آية  
للحفظ



استنى استنى يا بيبو.. احنا مش هانعمل لك حاجة وحشة.. احنا جايبين لك هدية حلوة..



إيه هدية؟! لى أنا؟! إيه



أنا بنحبك.. ومش عاوزين نأذيك.. برطمان العسل ده ليك.. علشان نقولك اتفضل يا بيبو.. برطمان

قص هنا

الاسم:

الكنيسة:

الزينة:

الموازل:

الفوان:



لجنة الطفولة

بانوراما  
الطفولة



لجميع مراحل  
الطفولة

لشرح  
دروس المهرجان

صدر لمرحلة حضنة

- † كتاب المسابقة الدراسية الملون.
- † كتاب مسابقات الأنشطة.
- † كتاب تطبيقات عملية (للخدام).
- † فلاشة للألحان والتسبحة.
- † كتاب وفلاشة لمسابقة اللغة القبطية.
- † فلاشة لبانوراما الطفولة.
- † فلاشة للرسوم المتحركة للمسابقة الدراسية.
- إصدارات أسقفية الشباب للطفولة
- † (E كتب) الإسكتش بورد.
- † كتاب الأوريجامى.
- † كتب مناهج مدارس الأحد (8 سنوات).
- † وسائل تعليمية لخدمة الطفولة.

للتواصل مع لجنة الطفولة  
بأسقفية الشباب

01278114417  
01275097883



الأحان الكنسية ترانيم قبطية أرثوذكسية  
شعار مهرجان  
الكرازة المرقسية ٢٠٢٤

- الفحة الرسمية لمهرجان الكرازة المرقسية
- القناة الرسمية لمهرجان الكرازة المرقسية
- فريق كورال فيثارة كيدز بأسقفية الشباب
- لجنة الطفولة أسقفية الشباب
- أسقفية الشباب Youth Bishopric



يطلب من  
مكتبة أسقفية الشباب  
(ص.ب ١٢٦ العباسية - القاهرة)  
موبايل التوزيع  
01223582833  
موبايل المكتبة  
01278114452-01200328889



لجنة الطفولة  
أسقفية الشباب



الفحة الرسمية  
لمهرجان الكرازة المرقسية

موقع أسقفية الشباب  
www.youthbishopric.com  
موقع مهرجان الكرازة المرقسية

قص هنا

كوبون الامتحان الشفوي

المسابقة الدراسية



مرحلة حضنة

قص هنا

كوبون  
الاشتراك

يُرسل مع  
الأب الكاهن المنسق  
إلى كتترول المهرجان



مهرجان الكرازة المرقسية ٢٠٢٤  
التصفيات النهائية  
الإبيرائية/ الحى :  
الكنيسة :  
الأسم رباعي :  
كور الطفل :  
البلد :  
موبايل الخادم :